

**Amezruy n tira n tmaziyt s usekkil alatini**  
**L'histoire de la notation de tamazight en caractères latins**  
**History of the notation of Tamazight in Latin characters**

**Pr. TIDJET Mustapha**

Linguistique amazighe.

Centre de Recherche en Langue et Culture Amazighes

**E-mail :** m.tidjet@crlca.dz

**Dr. RAHMANI Atmane**

Onomastique et aménagement linguistique de  
Tamazight

Centre de Recherche en Langue et Culture Amazighes

**E-mail :** a.rahamani@crlca.dz

**Dr. LAMRI Wahid**

Langue et littérature amazighes.

Centre de Recherche en Langue et Culture Amazighes

**E-mail :** w.lamri@crlca.dz

**Dr. SADOUNI Idir**

Didactique de la langue amazighe

Centre de Recherche en Langue et Culture Amazighes

**E-mail :** i.sadouni@crlca.dz

Reçu le : 30-05-2023

Révisé le : 10- 06- 2923

Accepté le : 12-06-2023

**Agzul**

Tira n tmaziyt teedda-d yef waṭas n talliyin deg umezruy, yal yiwit deg-sent tufrar-d s unagraw n tira i yettwasmersen deg-s. Asekkil alaṭini i d-yufraren deg tallit taneggarut, yefka-as afud d ameqqran deg wayen din n tayulin tussnanin. Imi imeskaren i ifernen asekkil alaṭini i tira n tmaziyt ur t-ġġin ara akken yella deg tadra-s, ċerden ad t-id-sqerrben yer yimesla yellan deg tamaziyt, s yimahilen i d-yellan i useggem n unagraw n tira n tmaziyt, ama s wayen i gan yimeskaren iberraniyen (deg lqern wis XIX), ney imahilen ussnanen ideg kkin yimazyawalen (seg taggara n lqern wis XIX ar ass-a).

Iswi-nney deg umagrad-a d asenked n tizza iyef d-teedda tira n tmaziyt s usekkil alaṭini deg tmuyl li tanmezrayt, d usegzi n yibeddilen i d-yettlin seg umahil yer wayed.

**Awalen-isura :** Amezruy, talatinit, tamaziyt, tira.

**Résumé**

Au fil de son histoire, l'écriture de la langue amazighe a connu des évolutions marquées par l'utilisation de différents systèmes d'écriture. Le caractère latin a joué un rôle essentiel dans cette

progression, offrant à la langue amazighe une possibilité d'expression écrite dans divers domaines scientifiques.

Cependant, les auteurs ayant choisi d'écrire le tamazight avec des caractères latins ont apporté des modifications afin de l'adapter aux sons propres à la langue amazighe. Ces ajustements ont été réalisés par des auteurs étrangers au XIXe siècle, ainsi que par des chercheurs amazighophones depuis la fin du XIXe siècle jusqu'à nos jours.

L'objectif de cet article est de présenter les différentes périodes historiques au cours desquelles l'écriture du tamazight a utilisé les caractères latins, tout en expliquant les modifications introduites d'un travail à un autre.

**Mots-clés :** Histoire, latin, tamazight, écriture.

#### Abstract

Over the course of its history, the writing of the Amazigh language has evolved through the use of different writing systems. The Latin script has played an essential role in this progression, offering the Amazigh language a means of written expression in various scientific fields.

However, authors who chose to write Tamazight using Latin characters made changes to adapt it to the sounds specific to the Amazigh language. These adjustments were made by foreign authors in the 19th century, as well as by Amazigh-speaking researchers from the end of the 19th century to the present day.

This paper aims to present the different historical periods during which the writing of Tamazight used Latin characters, while explaining the modifications introduced from one work to another.

Key words: History, Latin, Tamazight, writing

---

**Correspondant:** Lamri Wahid (w.lamri@crlca.dz)

#### Tazwert :

Llan krađ n yigemmayer iyef tres tira n tmaziyt deg Tmazya s umata, tifinay, taerabt akked tlatinit, maca asemres n yigemmayer-a yemgarad ilmend n talliyin akked temnadın. Tifinay tella seg talliyin tiqburin, ayen umi neqqar talibit. Deg lgerra mazal tedder ar ass-a, d ayen ara d-nemlil deg talyiwin tipigrafiyin yettwajerrden yef yizekwan (HADDADOU, 2011 : 15).

Asakez<sup>1</sup> n tira talibit i tikkelt tamezwarut yettuval yer useggas n 1631, deg Tunes, s ufus n uglizi Thomas d'Acors. D ađris n ubuddu i immugen i ugellid Masensen syur mmi-s. Aya yettuval yer useggas 183 send talalit n S. E. Seg uzemz-a d afella, atas n leqdicat d yinadiyen i d-iđefren wa deffir wa yef tira talibit, ladya yef tadra-s, am (FEVREIER, 1956 ; PRASSE, 1972 ; CHAKER, 2000).

---

<sup>1</sup> Asakez = identification.

Tira talibit tebna yef waṭas n yinagrawen n yigemmayen. Ilmend n wayen i d-yebder (POUESSEL, 2008 : 232) « *llan azal n mraw d sin n yigemmayen n tfinay, akked waṭas n yinagrawen n ujered i mazal uread d-yelli usdukkel n usemres-nsen* »<sup>2</sup>. Seg yiseggasen n 1960 d afella talibit teddem talya tartart, ayen yettwassnen ass-a s *tfinay*. D tagnit n lḥers i yessawden Agraw Imaziyen i wumi qqaren *Académie Berbère* yellan deg tmurt n Fransa akken ad d-yefren isekkilen seg yigemmayen ilibiyen yellan, swayes tessawed tga-d agemmay i tira. Tifinay mazal tettwasemras deg waṭas n temnaḍin n Tmazyā ar ass-a, am tama n unzul n tmurt n Lezzayer, tamurt n Lmerruk...

Deffir tallit-a, bdan ttbanen-d yisekkilen n taerabt deg tmura n Tmazyā, seg uzgen wis sin n lqerñ wis VII, azemz ideg d-bdant tiwyiyin tinselmin yer Tefriqt Uqafa. Isekkilen-a imaynuten smersen-ten deg tazwara at tesredt (ddin) s umata. Ur ieetel, agemmay n taerabt ad d-yay akk timnaḍin. Lgerrat timezwura n usemres n yisekkilen-a deg tira n tmaziyt ttuyalent yer lqerñ wis VIII, (POUESSEL, 2008 : 223) yura-d yef temsalt-a : « *seg tlemmast n lqerñ wis VIII, tigeldiwin tinselmin-timaziyyin akk n tallit talemast smersent agemmay n taerabt i tira n tmaziyt* »<sup>3</sup>.

Gar leqdicat imezwura ideg yettwasemres ugemmay n taerabt deg tira n tmaziyt, d tasuqqilt n Leqrān deg lqerñ wis IX, d tigawt i d-yellān deg tallit n tgelda tabreywatit. Maca ilmend n wayen i d-yebder Van Den Boogert Nico (1997)<sup>4</sup>, send tasuqqilt-a n Leqrān yer tmaziyt, deg lqerñ wis VIII, deg tama n unzul n Lmerruk, deg Suss yer Yicelhiyen, atas n warratek n tmedyazt tamaziyt yettwarun s yisekkilen n taerabt. D irufusen (manuscrits) ara naf ass-a rsen deg lIREMAM, ad d-nebder d ameda, tamedyazt n Mhemmed Waeli Amzal deg lqerñ wis VIII.

Deg yiseggasen n 1970 tban-d yiwt n tsuta tamaynut n yimeskaren icelhiyen yeṣraen s taerabt (Amzal, Moustaoui, Azayku, Akhia...), imeskaren-a imaynuten kemmlen deg usemres n ugemmay n taerabt deg leqdicat-nsen iseklanen, (POUESSEL, 2008 : 223). Tira n tmaziyt s ugemmay n taerabt ur teqqim ara kan deg taqult n tesredt akked tsekla, maca llan dayen leqdicat yemmugen deg taqulin-nniđen, ladya tasnilest. Am usegzawal i iga Cafik Mohamed (1990) s snat n tutlayin taerabt-tamaziyt.

Seg taggara n leqrān wis IVIII, tebda tettban-d tallit tamaynut deg tira n tmaziyt. D tallit n usekkil alatini, i yefkan afud ameqqrān i tmaziyt deg yiswiren ussnanen yemgaraden. Deg umagrad-a yellān gar yifasen-nney, ad neeṛed ad d-nessukk tiṭ yef umezrūy n tira n tmaziyt s usekkil alatini, d tizza akked talliyin iżef d-iedda usemres-ines.

Gten yifukal i d-yettunefken i usegzi n ufrān n tira n tmaziyt s usekkil alatini. Maca d tamentilt tussnant i yettunehsaben d lsas agejdan. Wid yeddan deg ubrid-a, d

<sup>2</sup> « Il existe une douzaine d’alphabets *tifinagh*, et plusieurs systèmes de notation, loin d’être unifiés par l’usage ».

<sup>3</sup> « Dès le milieu du VIII siècle, tous les royaumes islamo-berbères du Moyen-Âge utilisaient l’alphabet arabe pour noter le berbère ».

<sup>4</sup> Nico Van Den Boogert (1997) d ameskar i ixedmen atas yef tsekla tacelhit n Suss ideg yessawed iga amseggaz n wazal n 200 n yiđisen n tmedyazt tacelhit yettwarun s yisekkilen n taerabt, amseggaz (répertoire) yers deg lIREMAM (Institut de Recherches et d’Etudes sur les Mondes Arabes et Musulmans).

imusnawen/isdawanen (Mammeri Mouloud, Chaker Salem, Achab Ramdane, Nait-Zerrad Kamal, atg.). Deg lewhi n yimnadiyen-a, afran n tira s tlatinit d netta i iwulmen tutlayt tamaziyt, acku ad as-yeldi iberdan n tetrarit, yerna ad tt-yesseqreb yer tutlayin timeqqrinan n umadal, am tefransist d tegnizit d tiyad. Chaker Salem deg yiwen n umagrad i d-yeddan deg warra n temlilit tagreylant yef uslugen n tira n tmaziyt, s uzwel « *La codification graphique du berbère : État des lieux et enjeux* », yefka-d krajet n tmental (sebbat) :

- Tuget n yiybula ussnanen i yellan deg unnar, s yisekklin-a i ttwarun.
- Ddeqs n umahil yef useggem utlayan s tira-ya i yemmugen deg lqern wis XX.
- Ahric ameqqran n ufaris (tisyunin n tdukkliwin, afaris aseklan...) deg Tefriqt

Ugafa d tmura n l'*Europe* semrasen agemmay-a (CHAKER, 2010 : 53).

Innan n unagmay-a, sebganen-d belli tella lgerra n tira n tmaziyt s tlatinit, deg umezruij aqdim n tmura n Tefriqt Ugafa. Deg tayult n tira n tmaziyt, isekkilen ilatiniyen kecmen-d yer Tmazya deg yimir n temharsa, s yeđrisen imaziyen i d-gemren yiserdasen d yinagmayen iberraniyen. D imahilen i d-yellan s yiswan yemgaraden, maca d ayen i yefkan tallelt i tutlayt tamaziyt ad tekcem deg unnar ussnan, s yinadieyn i yemmugen yef uhus n yinagmayen yecban André Basset, Emile Laoust, Paulette Galand-Pernet d Lionel Galand i inudan ad d-skeflen tutlayt.

Tira n tmaziyt s tlatinit ihi, d asenfar i d-yebdan deg lqern wis XIX s uhus n yiserdasen d yinedbalen iferansisen. Maca ur eetđlen ara wat tmurt odefren ula d nitni abrid-a, ladya wid yeđran deg uyerbaz arumi, am Boulifa, Ben Sedira, d Belaid At Ali. Wigi d imezwura i d-inęgřen abrid, i d-yeđđan ansay n tira i odefren yimsunawen n lqern XX am Mouloud Feraoun, Mouloud Mammeri d Jean Amrouche...

Imusnawen d yimeynasen n Tmurt n Leqbayel ssawđen slugnen tira n tmaziyt, d amahil i d-iceddan yef waṭas n talliyin d temliliyin. Deg lewhi n (POUESSEL, 2008 : 226), Isumar iqbayliyen i useggem d uslugen n tira zrerrin akk imaziyen n Tefriqt Ugafa : « *aerađ n Leqbayel i useggem utlayan ttwarefden anda-nnidēn : Lmerruk, Imuhaq, Libya, atg.* »<sup>5</sup>. Ass-a, d isekkilen n tlatinit i yetđfen adeg ameqqran deg unnar n tira tamaziyt. (ABROUS, 1996 : 2583-2584) tger tamawt dakken tira n tmaziyt s tlatinit, « [...] teğhed aṭas deg Tmurt n Leqbayel, tella diy deg tmurt n Lmerruk, yerna yes-s i ttwarun akk yinadiyen isdawanen deg berra ney deg tmura n Tmazya. »<sup>6</sup>.

Asemres n ugemmay alatini yettban-d amzun d allal yufraren i tira n tmaziyt. Yeffel i tlisa n Tmurt n Leqbayel, yejba yer tantaliyin timaziyn-nniđen. Deg tmurt n Lmerruk, yas ulamma rray unšib yeqqar-d dakken tamaziyt ad tettwaru s ugemmay n tfinay, maca deg wammas ussnan d yimeynasen ad naf d talatinit i iđehden :

---

<sup>5</sup> « Les initiatives kabyles d'aménagement linguistique sont en effet reprises ailleurs : Maroc, monde touareg, Libye, etc ».

<sup>6</sup> « [...] ils sont généralisés en Kabylie, présents au Maroc et dominants dans l'ensemble de la recherche universitaire à l'étranger comme au Maghreb, toutes régions confondues. »

« Asemres n tlatinit deg tuget n tsufay deg Tmurt n Leqbayel ney deg yinig, yeffel-d yer yimeynasen ilmezyen n kra n tdukliwin timerrukiyyin. Deg yiwen n usarag deg tesdawit n tsekliwin di Marrakech “Les études amazighes à l'université” deg meyres 2002, imtkekkiyen, isdawanen d waggagen, ttbanen-d mtawan yef wayen yeenan aselmed n tmaziyt s usekkil alatini. Tanila-ya i yuyen, di lehsab-nsen, d tamentilt akken ad tili d “tutlayt tartart”, i izemren ad teffel tilisa n Tefriqt Ugafa ad tuyal d tagraylant »<sup>7</sup> (POUESSEL, 2008 : 227).

Akken ad telħeq tmaziyt yer tegreylanit, ad tay amkan gar tutlayin iġehden deg umaċal, inagmayen imaziyen żran ilaq ad tettuseggem seg tama n tjerrumt d umawal, ara tt-yessidfen deg tetrarit. Għej-wa, ddeqs n temliliyin d yisumiren i d-fkan. Ad neered ad t-id-nessebgen deg wayen i d-itteddun.

## 1. Tallit tamezwarut (send 1858) :

Tallit tamezwarut, qedcen deg-s yimannayen<sup>8</sup> akked yiserdasen n Fransa i yuran yef/s tsenfal timaziżin. Deg wayen i d-fursen yimeskaren-a, ttwasqedcen 3 n yigemmeyen i tira n tmaziyt : asekkil n tfinay, asekkil n taerabt akked usekkil alatini. Asekkil n tfinay, yettwasemras deg tira n tmaheyt ney tatergit. Idlisen yuran s tfinay rnan-asen tira s usekkil alatini.

Deg wayen i d-yeffyen deg tallit-a s tsenfal timaziżin-nniđen, d tijerřumin, d isegzawalen, d timucuha, d immuden n tmedyezt..., tira tella-d s usekkil n taerabt d win n tlatinit (Venture de Paradis Jean-Michel de, *Dictionnaire de la langue berbère : expliqué en français et en idiome barbaresque*, 1787/1838 ; Basset René, *Manuel de langue kabyle (dialecte zouaoua) : grammaire, bibliographie, chrestomathie et lexique*, 1887, atg.). (AMAOUI, 2017 : 101), mi d-yemmeslay yef tmentilt i yeğġan sin n yigemmeyen-a ddakkalen tallit-nni deg yiwen n udlis, yenna-d : « [...] akken ad d-arun idlisen-nsen, imeskaren-a terra-ten tmara ad d-eeddin yef yimsulya imaziyen ideg tuget yrān s taerabt (lecyax n leġwamee, inelmaden n tesreħt tineslemt). Ma d agemmay alatini, tawuri-inas d tira n tutlayt i yimeyriyen urupiyan »<sup>9</sup>.

Asekkil alatini, deg tmuqli-ya, yettwaseqdec akken kan ad d-isken tamsiselt n tsenfal timaziżin. D asifses n tquri i yimeyriyen urupiyan. Ilmend n (AMAOUI, 2017 : 104), llant snat n tulmisin tigejdanin i yezmer yiwen ad d-yefreż deg tira yettwasmersen deg tallit-a. Tamezwarut, għen yinagrawen n tira, imi yal ameskar yettaru s wayla-s. Tis snat, d aseqdec n

---

<sup>7</sup> « Sa large utilisation dans les publications en Kabylie ou en émigration s'étend en effet chez les jeunes militants de certaines associations marocaines. Lors d'une conférence à l'Université des Lettres de Marrakech, « Les études amazighes à l'Université » en mars 2002, les participants, des professeurs et des intellectuels, semblent unanimes quant à l'enseignement du berbère en caractère latin. Cette position représente, selon eux, la seule condition pour une « langue moderne », qui pourrait ainsi dépasser les frontières du Maghreb et s'internationaliser ».

<sup>8</sup> Nous proposons « Imannayen » comme équivalent de « explorateurs » : de « ani » = « observer » / « fouiller » / « épouiller »

<sup>9</sup> « Quant à la graphie latine, sa fonction est d'assurer la transcription de la langue à l'usage des lecteurs européens. »

yisekkilen n ugemmay alatini akken yella yakan deg trawalt n tefransist ney n teglizit, war ma semyezgen-ten d tmaziyt.

Nezmer ad d-nernu yef waya tanaga n De Slane akked Gabeau yef ujerred n yismawen i d-tufa tedbelt tafransist deg tmurt-a : « [...] leqdic yerza asebbed n tira ara d-isnetqen imesla n yismawen aeraben<sup>10</sup> akken ara yizmir yimi afraensis ad ten-id-yessiwel war ma isway-it en mlih »<sup>11</sup> (DE SLANE & GABEAU, 1868 : 03).

Tulmisin n temsiselt d tesniselt tamaziyt, am tufayt, tanyit, tussda, asemgired gar teyra tiçuranin « a », « i » akked teyri tilemt « e », atg., ur kciment ara deg yinagrawen s i ttarun yimeskaren-a. Rnu yer waya, deg tira-ya, ur banent ara tlisa gar tayunin akken llant deg tseddast n tutlayt. Amedya : « Delaâlikim kemmeni ! »<sup>12</sup> (VENTURE DE PARADIS, 1844 : 142). Beťtu n tayunin akked teyra ara yettwasqedcen, akka i yessefk ad ilin : *D leali-kem kemmini*.

## 2. Tallit tis snat (seg 1858 almi d tazwara n tasut tis XX) :

Seg tallit-a yer sdat i yebda useggem n tira n tmaziyt s usekkil alatini, s usizreg n yidlisen n Hanoteau Adolphe (*Essai de grammaire kabyle*, 1858 ; *Essai de grammaire de la langue tamacheck'*, 1860). Hanoteau, s udlis-a, yessawed isbedd anagraw n tira tajerrumant s wazal-is. D ayen i yeğan ddeqs n yinagmayen i d-yusan deffir-s ad arun am netta. Abeddel i d-yewwi Hanoteau (1858 : 4) d tukksa n tuget n yisekkilen uddisen akked tmerna n usyal « ’ » i yisekkilen *d, h, k, r, t* :

- i usefreż n tuffayt [t’] = *t* ;
- i usefreż n tizenzeyt [d’] = *[d]* ;
- i yimesla ur nelli deg ugemmay n tefransist [h’] = *h*, [k’] = *q*, [r’] = *γ*.

Yella dayen wallus n useqdec n usekkil *c* yellan deg ugemmay n tefransist s wazal amaynut i tmaziyt : [ç] = *ş*. Gef ubeddel-a, Amaoui Mahmoud, yura-d :

« [...] anagraw n yisekkilen uddisen i d-snulfan yimeskaren i t-yezwaren, yuyal fessus nezzeh. [...] yessefk ad d-nini dakken s « useggem-a » i yettwakkes usemres n tirawalt tafransist deg tmaziyt s usebbed n umenzay n tira n yiwen n yimesli s yiwen n usekkil. »<sup>13</sup> (AMAOUI, 2017 : 106).

Ter tama n useggem n ugemmay, i d-nebder iwsawen-a, Hanoteau yerna yessefreż tilisa gar taggayin n wawalen yellan deg tseddast n tmaziyt. Deg tmuylı n (CHEMAKH, 2006 : 60), imahilen isdawanen imezwura i d-yeffyen, d tarrayt n Hanoteau i ɻefren :

<sup>10</sup> Yessefk ad d-nessegzi, dakken deg tallit ideg yura udlis-a, imeskaren urupiyen sseqdacen awal « aerab » akken d-ssenfalin yes-s ayen akk yettuylən yer yiyerfan i d-ufan deg tmura iyer kecmən deg Tefriqt Uğafa.

<sup>11</sup> « [...] il s'agissait de fixer un mode de transcription qui rendit le son des noms arabes de telle manière qu'une bouche française put les prononcer sans trop les altérés »

<sup>12</sup> « Que tu es belle ! »

<sup>13</sup> « [...] le système des digrammes développé par ses prédecesseurs se trouve allégé considérablement. [...] à travers cette « réforme », il y a lieu de noter surtout un dépassement de la transposition de l'orthographe française au berbère en introduisant le principe de correspondance entre un son et une lettre. »

« *iwfusen imenza i d-yeffyen seg tesdawit n Lezzayer tamanayt deg 1887 refden titwilin i yessemres A. Hanoteau* »<sup>14</sup>. D ayen ara naf deg tsufay d tezrigin i igebrén idrisen n teqbaylit am : *Manuel de langue kabyle* (1887) n Basset René ; *Cours de langue kabyle* (1887) n Bensedira Belkassem ; *Une première année de langue kabyle* (1897) ; *Méthode de langue kabyle. Cours de deuxième année* (1913) ; *Recueil de poésie Kabyle* (1904) n Boulifa Si Amar Saïd ; *Légendes et contes merveilleux de la Grande Kabylie* (1893) n Mouliéras Auguste ; d wiyyid. Imeskaren-a yesdukkel-iten yiwen ubrid deg tira, akken ara nwali deg yimedyaten-a :

- « *Iiouun ouass agerfiou irs s oufella ne tset't'a, iddem agouglou d'oug k'aboub is ; iâdda oubarer', iouala th, ibr'a ad'as ictch agouglou ; ibd'a d'as isk'izzib [...]* »<sup>15</sup> (HANOTEAU, 1858 : 251).
- « *our tessimem aoua gar asen ?* »<sup>16</sup> (HANOTEAU, 1860 : 230).
- « [...] *Inna iasen : « Nekkini oualar' th id. R'iler' d'ouinna akoun ithetsen, fek'aâr' d'fellas. Mer our idlouââm ara, ellir' ath ououther' alemma our iban ara i dounith.* [...] »<sup>17</sup> (MOULIERAS, 1893 : 53).

Imyagen d yismawen ferqen yef yiferdisen imazzayen « *d'oug k'aboub is* » (deg uqabub-is), « *iouala th* » (iwala-t), « *Inna iasen* » (Inna-yasen), « *oualar' th id* » (walay-t-id), « *fek'aâr' d* » (feqeey-d). Deg umeda wis sin, tban tilist gar tenzeyt d umqim awsil yernan yur : « *gar asen* » (gar-asen).

Ihi abrid i d-yençer Hanoteau atas i t-idefren, yuval amzun d ansay n tira, « *Ansay-a yedder atas n wakud almi d beddu n yiseggasen n 80 anda i yettwaderref s tira i wumi qqaren tameemrit* »<sup>18</sup> (CHEMAKH, 2006 : 61).

Deg taggara n tasut tis XIX, yebda uselmed n tmaziyt deg tsuddwin n tedbelt tafransist : *Ayerbaz n Tutlayin n Usammer n Paris, Tamezdayt n Tsekliwin n Lezzayer, Ayerbaz Amagnu n Buzerriea, Aysur n Tezrawin Tunnigin n Lmerruk*. S usekcem n tmaziyt yer tsuddwin-a « [...] *lulent-d tezrawin tisdawanin yef tmaziyt i yesean tazrirt meqqren yef usmezdi n tira* »<sup>19</sup> (AMAoui, 2017 : 107).

### **3. Tallit tis kradet (seg tazwara n tasut tis XX almi d iseggasen n 1970) :**

---

<sup>14</sup> « Les premiers manuels publiés après la création de la chaire de berbère à la faculté d'Alger (1887), reprennent les mêmes techniques que celles usitées par A. Hanoteau »

<sup>15</sup> « Yiwen n wass agerfiw ires sufella n tsetta, iddem aguglu deg uqabub-is ; ieredda ubarey, iwala-t, ibya ad as-icç aguglu ; ibda ad as-isqizzib [...] »

<sup>16</sup> « Ne savez-vous pas ce qu'il y a entre eux ? »

<sup>17</sup> « [...] Inna-yasen : « Nekkini walay-t-id. Giley d winna i ken-itetten, feqeey-d fell-as. Mer ur yi-d-tlueam ara, lliy ad t-wwtey alamma ur iban ara i ddunit. » [...] »

<sup>18</sup> « Cette tradition survivra pendant longtemps jusqu'au début des années 80 où elle sera marginalisée par la transcription dite ‘de Mammeri’ »

<sup>19</sup> « [...] émergeront les études berbères universitaires dont les retombées sur la standardisation de l’écrit seront déterminantes. »

Deg tallit-a n umezruy n tira n tmaziyt s usekkil alatini, usant-d tezrigin n yimeskaren, (iselmaden n tesdawit akked yimazanen<sup>20</sup>). Imahilen isdawanen yef tmaziyt wwin-d asurif amaynut deg useggem n tira, (Dallet, *Le verbe kabyle*, 1953 ; Picard, *Textes berbères dans le parler des Irjen (Kabylie-Algérie)*, Tome I/Tome II, 1958 ; Louis de Vincennes d Dallet, *Initiation à la langue berbère (Kabylie). Grammaire*, vol. I/vol. II, 1960 ; Dallet et Degezelle, *Les cahiers de Belaid ou la Kabylie d'antan*, 1963 ; atg.). Haddadou Mohand Akli yenna-d yef usentel-a :

« [...] almi d iseggasen n 1940 i d-banen (d-lulen) yinagrawen n tira i d-yefrurin seg yimahilen n tesnilest, tamatut akked tin n tmaziyt »<sup>21</sup> (HADDADOU, 2004 : 82).

Deg wayen i ibeddlen deg ugemmay yer yimeskaren-a, ad d-nebder kra n yimediyaten-a : asemres n usyal y i yimesli [v] ; asemres n usekkil ε i yimesli [f] ; tiririt n waggaz seddaw n yisekkilen i tira n tuffayt d, r, s, t, z ; tira n tanyit [b°], [k°], [g°], [p°], [q°], [y°] ; tira n uzegnaggay [ç] = č, [j] = ġ, [t̪] = tt, [z̪] = zz. (DALLET, 1953 : XV-XVI), (LOUIS DE VINCENNES & DALLET, 1960 : 4-10).

#### 4. Tallit tis ukkuzet (seg yiseggasen n 1970 ar assa) :

Ayen yessemgarden tallit-a taneggarut yef tid i tt-yezwaren, dakken leqdic yef useggem n tira n tmaziyt yuval d iswi s timmad-is. Win ara yessikden yer yimahilen d wayen i yettwarun send tallit-a s tmaziyt, ad ten-yaf d tira n uħraz ney n ujmae n wammud. Deg wayen yezrin, ulac tazrawt yerzan taluft n trawalt. Ayen i d-nnan yimeskaren i d-yemmeslayen fell-as akked tgawin n useggem i gan fell-as, qqaren-t-id kan deg tezwar n yidlisen-nsen akken ad d-ssegzin tarrayt i fernen i tira n wammuden-nsen.

Tizrawin i d-yewwin yef useggem utlayan deg tmaziyt deffir timunent n Lezzayer, bdant s umahil n Mouloud Mammeri. D netta i d amezwaru i d-yefkan ifukal d wallalen usnanen ikmamen i useggem n tmaziyt. Imahilen n Mammeri rnan afud i ugemmay alatini, iban-d d aftran ufrir i tira n tmaziyt : « Afran n tlatinit i tira n tmaziyt, asnulfu n umawal i tmaziyt tartar ; tira n udlis n tjerrumt n tmaziyt s tmaziyt ttunehsaben d tigawin tikmamin n timmuynest i yessakayen yef lfayda n useggem utlayan »<sup>22</sup> (CHEMAKH, 2006 : 59).

Ifarisen n Mammeri d terbaet-is (netta yella-d yef uqerru n terbaet i useggem d unadi yef tutlayt tamaziyt deg *CRAPE*) d imesbayuren, ttunehsaben d lsisan imezwura iğehden deg lebni n tutlayt. Timsirin-is n tmaziyt deg tesdawit n Lezzayer, Idint abrid i tsuta tamaynut n yimahilen n usnulfu aseklan (Mezdad, Mohia, U Lamara, atg.) akked useggem n tutlayt

---

<sup>20</sup> Missionnaires

<sup>21</sup> « [...] il faut attendre les années 1940 pour voir apparaître des systèmes de transcriptions inspirés par les travaux de la linguistique, générale et berbère. »

<sup>22</sup> « Mais c'est avec Mouloud Mammeri que l'aménagement du tamazight est pensé et dit de façon explicite. Le choix de la graphie latine pour la notation du tamazight, la création d'un lexique du berbère moderne, l'Amawal ; la rédaction de l'opuscule de grammaire Tajerrumt n tmaziyt en berbère sont autant d'actions concrètes militant en faveur de la thèse de la conscience de la nécessité d'un aménagement, ne serait-ce de corpus. »

(Mammeri, *Amawal n Tmaziyt Tatrart*, 1974 ; Mammeri, *Tajerṛumt n tmaziyt (tantalat taqbaylit)*, 1976 ; Achab, Laïhem & Sadi, *Amawal n tusnakt Tafransist-Tamaziyt*, 1984, atg.). Maca s *Tajerṛumt n tmaziyt* (1976) yerża-d asalu i tezrawin n tmaziyt s tmaziyt.

Agbur n Précis grammaire berbère (kabyle), i d-yessażreg Mammeri, ibedd yef sin n yisefranen :

- Asemres n yisekklien ilatiniyen d yegrigiyen i tira, s tmerna n yikuфа anda i ilaq am č, ġ, ney aggaz seddaw usekkil uffay am *d*, *t*, *z*... akked waggaz seddaw usekkil *h*.
- Aezal n kra n tumanin yessemgiriden gar tanataliwin am tzenzayt deg teqbaylit [b] deg ubdil n [v] akken ad temtawa tira n tmaziyt s tantaliwin-is yemgaraden (CHEMAKH, 2006 : 61).

Anagraw n tira i yesbedd Mammeri, yules-as-d i tikkelt-nniđen deg udlis *Tajerṛumt n tmaziyt (tantala taqbaylit)* i d-yefyen deg useggas n 1976. Deg-s i ifessel ilugan n tira n tmaziyt. Yerna yessekcem-d i tikkelt tamezwarut awalen imaynuten ur yuzzilen ara deg tmetti. D awalen i yellan deg tayult n tjerrumt am : *amyag*, *isem*, *tanzeyt*, atg. D anagraw-ag i yettwasmersen s waṭas deg tsufay d yifarisen isdawanen.

Mammeri d terbaet-is, ur ḥbisen ara kan deg tjerrumt d yilugan n tira, maca ssawđen sufyen-d *Amawal n tmaziyt tartart*. Deg-s sumren-d awalen imaynuten ttusemrassen ar imir-a. *Amawal*, yeskan-d lebyi n Mammeri i usnerni n tutlayt tamaziyt, d usemneε-ines si tmettant. Deg waya, yeqqar Said Chemakh :

« Akken ad tili tmaziyt, ilaq-as iberdan-nniđen ara tt-yeğgen ad tawed yer tayulin i ttibeeden, ara tt-yerren d tutlayt i s izemren ad meyyzen ad d-inin amađal amiran. I waya, ilaq usnulfu seg lexzin anmawal i yellan deg tmaziyt, awalen i izemren ad d-seknen tilawt ieeddan i tesnilest tamirant. »<sup>23</sup> (CHEMAKH, 2006 : 63).

*Amawal n tmaziyt tatrart* yeffey-d i tikkelt tamezwarut deg useggas n 1974 deg Lezzayer, ieawed yeffey-d deg 1980 yer *Imedyazen* deg Lpari, d tdukla *Ażar* n Bgayet deg 1990. *Amawal*-a yebda yef sin n yiħriċen, tamaziyt-tafransist, tafransist-tamaziyt. Wid ibedden yef uskar n usenfar-a, ur ɏfiren ara kan abrid n yiwalnuten, maca fkan azal ameqqaran, deg umkan amezwaru, i wawalen i yellan deg tantaliwin timaziyyin-nniđen ladya tamaheqt, sakin ma ulac, eerden ad d-snulfun seg yiżurān n wawal amaziy. Ddeqs n wawalen imaynuten i d-yettwasumren deg udlis-a, ttwasemrasen s lgehd ar imir-a deg tmettiin timaziyyin am : *Azul*, *Tanemmirt*, atg. Ayen i yeğgen awalen-a ad azzlen deg tmetti, d amahil n uzuzer i xedmen yięeggalen n *CRAPE*, ladya asemres-nsen deg radio tis snat n teqbaylit, s yiles n umedyaz aneymas Ben Mouhamed (KAHLOUCHE, 1998 : 275). Idlisen n Mammeri, ama d *Tajerṛumt* ney d *Amawal n tmaziyt tartart*, ttuneħsaben d lsas iyef ibedd uselmed n

---

<sup>23</sup> « Il fallait pour exister définir de nouveaux horizons, c'est-à-dire faire accéder le berbère aux secteurs qui lui étaient inaccessibles et en faire une langue avec laquelle on peut penser et dire le monde actuel. Pour ce faire, il fallait créer à partir du stock lexical existant en berbère, les mots capables de représenter les réalités extralinguistiques actuelles ».

tutlayt tamaziyt deg yiyerbazen ney deg tesdawiyin, ar ass-a. Iressa ansay n tira i yettwadefren deg yimahilen n yimnadiyen i d-yernan deffir-is.

Adlisfus amezwaru n tira n tmaziyt, yura-t Achab Ramdane. Yeffey-d s yisem n Groupe d'Etudes Berbères (*Langue berbère (kabyle). Introduction à la notation usuelle en caractères Latins*, 1979). Syin defrent-d tezrigin-nniđen n udlisfus-a, gar-asent (*Langue berbère. Initiation à l'écriture*, 1989 ; Achab, *Tira n tmaziyt (taqbaylit)*, 1990).

Idlisen-a mtawan s umata yef ugemmay deg wayen yerzan :

- tira n uzegnaggay : č, ġ, t, z.
- tira n tuffayt : d, r, s, t, z.
- tira n tanyit : bw, kw, gw, qw, yw, xw (G.E.B, 1989 : 5-6), (Achab, 1990 : 2-3), Mammeri Mouloud (1990<sup>24</sup> : 15-16)<sup>25</sup>.
- tukksa n yizenzay : [d] = d, [g] = g, [k] = k, [t] = t.

Ma d imesli [f], yettwaru â yer (G.E.B, 1989), (MAMMERI, 1976/1990), syin yettwaru ε yer (ACHAB, 1990).

Kra n yiseggasen deffir waya, Asemmas n Unadi deg Tmaziyt<sup>26</sup> yellan deg Inalco yessuddes-d timlilit tagreylant tamezwarut, deg yebrir 1993, i wumi fkan azwel : *Phonologie et notation usuelle dans le domaine berbère*<sup>27</sup>. Tedfer-itt-id temlilit-nniđen deg 1996, iswi-is d ferru n wuguren i mazal deg wayen yerzan tira n tmaziyt s usekkil alatini. D asakwen<sup>28</sup> i wumi ddukklen yimnadiyen n tsuddwin iqeddcen deg tmaziyt (Inalco, tasdawit n Bgayet, tasdawit n Tizi-Wezzu, tasdawit n Fès). Asakwen yessuddes-it-id Crb-Inalco, yer tagvara-s, teffey-d tsemlilt n umahil<sup>29</sup> i wumi ssawalen *les recommandations de l'Inalco (Iwellihen n INALCO)*, yura-tt Salem Chaker, teffey-d deg tezrigt tis 14 n *Études et Documents Berbères*, deg useggas n 1997.

Deg useggas n 1998, tella-d temlilit-nniđen s wazal d ameqqrar. Tikkelt-a d asakwen yef useggem utlayan n tmaziyt s wudem amatu<sup>30</sup>. Teffey-d tezrigt n leedil (provisoire) n 15 n yisebtar deg useggas n 2000 s lmendad n *Tamazya* deg Paris. Deg usakwen, yella-d uskasi yef krad n yisental-a :

**1° Asmezdi n tmaziyt**, i耶f d-yura Salem Chaker tasemlilit, « Orientations générales pour l'aménagement de la langue berbère : urgence et réalisme » ;

---

<sup>24</sup> Tazrigt-a n 1990 d allus n usuffey n *Tajerrumt n tmaziyt (tantala taqbaylit)*, 1979.

<sup>25</sup> G.E.B (1989 : 5-6) akked Mammeri (1990 : 15-16) ttarun tanyit anagar deg kw d gw.

<sup>26</sup> Centre de Recherche Berbère (CRB)

<sup>27</sup> Table ronde internationale « Phonologie et notation usuelle dans le domaine berbère », Inalco-Crb, Paris, dans *Études et Documents Berbères*, n° 11, 1994 et n° 12, 1995.

<sup>28</sup> Atelier « Problèmes en suspens de la notation usuelle à base latine du berbère », Crb-Inalco, Paris, 24-25 juin 1996.

<sup>29</sup> CHAKER Salem (synthèse), 1996, « Propositions pour la notation usuelle à base latine du berbère », Inalco-Crb, Paris, dans *Études et Documents Berbères*, n° 14, 1997, pp. 239-253.

<sup>30</sup> Atelier « Aménagement linguistique de la langue berbère. Normalisation et perspectives », Crb-Inalco, Paris, 5-9 juin 1998.

**2° Tira tumrist**, iyef d-yura Kamal Naït-Zerrad tasemlilit, « La notation usuelle » ; akked tsemilit-nniđen yerzan Agraw n umahil n *Tcelhit*<sup>31</sup> i d-yura Abdellah Bounfour, « Relevé des décisions sur la notation usuelle » ;

**3° Asnulfawal – tasniremt**, iyef d-yura Ramdane Achab tasemlilit, « Terminologie berbère ».

Deffir yisurifen-a, iselmaden n Tesga n Tutlayt d Yidles n Tmaziyt n tesdawit n Bgayet uran-d yiwen n udlisfus n tira n tmaziyt s usekkil alatini, i nezmer ad neħseb d akemmell n umahil n warra yezrin. Uran-t deg useggas n 2005 sdis n yiselmaden<sup>32</sup>, azwel-ines : *Ilugan n tira n tmaziyt*<sup>33</sup>. Adlisfus-a yakan, seggmen-t, ulsen-as-d asizreg deg 2009.

Deg useggas n 2007, deg Barcelone, Linguamón - Casa de les Llengües yessuddes-d timlilit i yettunehsaben dayen d akemmell n umahil yebdan s temliliyin n Crb-Inalco. Timlilit-a akked usakwen yeqqnen yur-s dran-d gar 26 d 28 yebrir 2007. Iswi-ines d asmezdi n tmaziyt s usekkil alatini. Tasemlilt n umahil akked tegrayin n temlilit yura-tent Mohand Tilmantine<sup>34</sup>.

Leqdic anegguru yerzan tira n tmaziyt d timlilit tagreytant i d-yessuddes Usqamu Unnig n Timmuzya<sup>35</sup>, deg useggas n 2010, deg temdint n Boumerdès (Lezzayer). Tesdukkel-d iselmaden d yimnadiyen n krad n tsegwin n Tutlayt d Yidles Amaziy (Bgayet, Tizi-Wezzu d Tubiret<sup>36</sup>), imašwađen n tmaziyt deg usegmi ayelnaw akked yimnadiyen iqeddcen deg tesdawiyin berra i tmura, yecban Salem Chaker, Kamal Naït-Zerrad d Mohand Tilmantine. Iswi-ines d asebbed n umtawa yef tira tumrist s usekkil alatini. Timlilit d yiskasiyen llan-d gar 20 d 22 c̄tember 2010, yer taggara n temlilit ttunefken-d yineqqisen yerzan isakwen<sup>37</sup> yef yisumar i ferru n kra n wuguren n tira n tmaziyt. Amahil-a teđfer-it-id temlilit deg 27 d 28 duğember 2010, deg Bordj-Bou-Arreridj, ttikkin deg-s yiselmaden<sup>38</sup> n tesdawit d yimnadiyen i tira n warra (adlisfus) s tmaziyt, ideg sbedden ilugan n tira ilmend n yigemmađ n temlilit d yisakwan yezrin. Deg 2012, Asqamu Unnig n Timmuzya yessażreg-d arra<sup>39</sup> i yesdukklen imahilen n temlilit-a d udlisfus i wumi fkan azwel : *Aslugen n tira n tmaziyt*.

S yimahilen-a akk i d-nebder iwsawen, d wiqid, tessawed ad tbedd tegnut (norme) n tirawalt n tmaziyt i yettwaseqdacen deg tayult n uselmed akked tesdawit. Tagnut-a tħafaren-tt, gar cwiṭ d waṭas, deg yifuras inmettiyen, ladya tira taseklant.

---

<sup>31</sup> Groupe de Travail *Taceħħit*.

<sup>32</sup> BOUAMARA Kamel, HAMEK Brahim, MAHROUCHE Mohamed-Lhacène, MEKSEM Zahir, RABEHI Allaoua d TIDJET Mustapha.

<sup>33</sup> BOUAMARA Kamel et al., 2005, *Ilugan n tira n tmaziyt*, Éditions Talantikit, Bejaia, Algérie.

<sup>34</sup> TILMATINE Mohand (synthèse), 2007, « Standardisation de la langue amazighe : la graphie latine », colloque de Barcelone, Linguamón - Casa de les Llengües, Vía Laietana, 46e, pral. la Barcelona, 26-28 avril 2007.

<sup>35</sup> Haut Commissariat à l'Amazighité (HCA)

<sup>36</sup> Tasga n Tubiret teldi deg 2008.

<sup>37</sup> Atelier « Autours des propositions de solutions de quelques problèmes de notation de Tamazight », HCA, Boumerdès, 21-22 septembre 2010.

<sup>38</sup> AMAOUI Mahmoud, HADAD Samir, MEKSEM Zahir, RABHI Allaoua d TIDJET Mustapha.

<sup>39</sup> Actes du colloque international, 2012, *Aslugen n tira n tmaziyt*, (*Standardisation de la langue amazighe*, Boumerdès, du 20 au 22 septembre 2010) et (*Aslugen n tira n tmaziyt*, Bordj-Bou-Arreridj, 27 et 28 décembre 2010), HCA, Alger, Algérie.

### **Taggrayt :**

Amezruy n tira n tmaziyt d anagi aheqqani yef unerni n tutlayt-a deg wakud. Seg talyiwin timensayin tinasliyin n tira s tfinay, yef wadaf n yisekkilen n taerabt i d-tewwi tneslemt, yer yisekkilen n tlatinit i d-ikecmen d tetrarit, tamaziyt tuy amkan gar tutlayin. Aya yettban-d deg waṭas n wudmawen i nezmer ad d-nessegzel deg sin waggazen.

Talatinit tessawed̄ tessekcem tamaziyt deg unnar n uselmed d tyuri. Imahilen d temliliyin, i d-neħseb deg wayen ieeddan, i useggem d usenmetti n tutlayt s yisekkilen-a, sasehlen asifed̄ d tremsa-ines. Tira s tmaziyt teedda seg tallit n yiswi yer wallal n umahil.

S tlatinit, tamaziyt tekcem deg umāḍal umđin. Imusnawen n tsenselkint smenyifen iseikkilen-a yef wiyaḍ, ilmend n sshala-nsen. S wakka tamaziyt tekcem deg tegnatin n taywalt d uskasi atraren.

Yas akka tuget n tesdawiyin d yiżerbazen ideg tettwaselmed tmaziyt (ladja deg tmurt n Lezzayer) s usemres n yisekkilen ilatiniyen, maca ar imir-a yettili-d uskasi yef ufran n yisekkilen n tira. Tuget n yisumar bedden yef tmuylwin tisnaktayin, maca deg wayen yerzan afaris ussnan, d talatinit i d-yefkan ifakulen iressan yef tussna. Imi s yisekkilen n taerabt d tfinay, ar ass-a ulac imahilen ussnanen i useggem d uslugen n tira n tmaziyt, bexlaf ayen yemmugen deg ugmar n wammuden, akken i t-id-nebder deg tezwert n umagrad-a.

Rnu yer waya, ar ass-a ttlin-d yimahilen d yisumar, i useggem d usitrer n tira n tmaziyt s yisekkilen ilatiniyen, acku llant tlufa ideg ur tefri ara, ney amzun uread mtawan fell-asent yimusnawen/isdawanen, am : wuguren yerzan tira n yismawen imažlayen i d-yebder Tidjet Mustapha anda i d-yenna :

« *Tuget n yimahilen i d-yewwin yef tiura n tmaziyt ur rrin ara lwelha-nsen yer yisem amažlay, seg Tjerřumt n tmaziyt n Mouloud Mammeri, d udlisfus n Tira n tmaziyt n Acab Remdan yer umahil yef Tseddast n Kamal Nait Zerrad* » (TIDJET, 2013b : 1).

Ameskar-a yefka-d, deg tezrawt-is n duktura (TIDJET, 2013a : 126), kra n yiwellihen yef tira n yismawen imažlayen deg tmaziyt. D ayen i nezmer ad neħseb d yiwen gar yicqirren n useggem n tira n tmaziyt iyef d-yewwi ad yili unadi sya yer sdat.

### **Umu y n yidlisen :**

#### **Tizrawin :**

1. ABROUS, D. (1996) : Le passage à l'écrit, in *Encyclopédie Berbère* XVII, Aix-en-Provence, DISUD, pp. 2583-2584.

2. AMAOUI, M. (2017) : Quelques éléments de réflexion sur le transfert de l'alphabet latin au berbère aux XVIIIe et XIXe siècles, in Allati, Abdelaziz (éd.), *Auréoles berbères. Mélanges offerts à Michael Peyron, BerberStudies*, vol. 47, pp. 99-109.
3. CHAKER, S. (synthèse), (1996) : Propositions pour la notation usuelle à base latine du berbère, Inalco-Crb, Paris, in *Études et Documents Berbères*, n° 14, 1997, pp. 239-253.
4. CHAKER, S. (2000) : A propos de l'origine et de l'âge de l'écriture libyco-berbère, in *Etude berbère et chamito-sémitiques*, Mélanges offerts à Karl-G. Prasse, éditions Peeters, pp. 95-111.
5. CHAKER, S. (2002) : L'écriture libyco-berbère, état des lieux, déchiffrement et perspectives linguistiques et sociolinguistiques, in Colloque annuel de la SHESL, Lyon- ENS, 02 février.
6. CHEMAKH, S. (2006) : L'aménagement de tamazight (milieu algérien) : Etat des lieux, critiques et propositions, in *Timsal n Tamazight*, vol. 3, n° 1, pp. 53-70.
7. DE SLANE, W. M.G. & GABEAU, Ch.-H. (1868) : *Vocabulaire destiné à fixer la transcription en français des noms de personnes et des lieux usités chez les indigènes d'Algérie*, Tom I, Paris, Imprimerie Impériale.
8. FEVRIER, J. G. (1956) : Que savons-nous du libyque?, in *Revue africaine*, 100, pp. 263- 273.
9. FREEMAN, H. S. (1862) : *A Grammatical Sketch of the Temahuq or Towarek Language*, London, Harrison.
10. HADDADOU, M. A. (2004) : *Alphabet berbère. Des écritures libyques aux transcriptions modernes*, Bejaia, Azru.
11. HADDADOU, M. A. (2011) : *Précis de lexicologie Amazighe*, éditions ENAG.
12. KAHLOUCHE, R. (1998) : L'aménagement linguistique en milieu plurilingue : le cas du berbère, in *Actes des journées d'études, La coexistence des langues dans l'espace francophone*.
13. LOUIS de VINCENNES Soeur d DALLET J.-M. (1960) : *Initiation à la langue berbère (Kabylie). Grammaire*, vol. I/vol. II, Fort-National, F.D.B.
14. POUESSEL, S. (2008) : Écrire la langue berbère au royaume de Mohamed VI. Les enjeux politiques et identitaires du tifinagh au Maroc, in *Revue des mondes musulmans et de la Méditerranée*, n° 124, pp. 219-239.
15. PRASSE K.-G. (1972) : *Manuel de grammaire touarègue (tahaggart)*, I., Copenhague, éditions de l'Université ; écriture, pp. 145-161.
16. TIDJET, M. (2013a) : *Patronymie dans les dairas de Timezrit, Sidi-Aich et Chemini : étude morphologique et sémantique*, Thèse de doctorat, U. Mouloud Mammeri de Tizi Ouzou.
17. TIDJET, M. (2013b) : Nom propre : parent pauvre des études amazighes ?, in *Actes du 2ème colloque international sur la langue amazighe, de la tradition orale au champ de la production écrite, (parcours et défis)*, éditions de l'Université Akli Mouhamed Oulhadj Bouira, Algérie, pp. 267-276.

### **Tiybula :**

1. ACHAB, R. LAÏHEM, M. D SADI, H. (1984) : Amawal n tusnakt Tafransist-Tamaziyt. Lexique de mathématiques, in revue Tafsut, Série scientifique et pédagogique, n° 1, Tizi-Ouzou.

2. ACHAB, R. (1990) : *Tira n tmaziyt*, (A compte d'auteur), Tizi-Ouzou, Imprimerie de l'Eniem (ex-Sonelec).
3. Actes du colloque international, (2012) : *Aslugen n tira n tmaziyt*, (*Standardisation de la langue amazighe*, Boumerdès, du 20 au 22 septembre 2010) et (*Aslugen n tira n tmaziyt*, Bordj-Bou-Arrridj, 27 et 28 décembre 2010), HCA, Alger, Algérie.
4. Atelier « Aménagement linguistique de la langue berbère. Normalisation et perspectives », Crb-Inalco, Paris, 5-9 juin 1998.
5. Atelier « Autours des propositions de solutions de quelques problèmes de notation de Tamazight », HCA, Boumerdès, 21-22 septembre 2010.
6. Atelier « Problèmes en suspens de la notation usuelle à base latine du berbère », Crb-Inalco, Paris, 24-25 juin 1996.
7. BASSET, R. (1887) : *Manuel de langue kabyle (dialecte zouaoua) : grammaire, bibliographie, chrestomathie et lexique*, Paris, Maisonneuve et Leclerc.
8. BOUAMARA, K. et al. (2005) : *Ilugan n tira n tmaziyt*, Éditions Talantikit, Bejaia, Algérie.
9. DALLET, J.-M. (1953) : Le verbe kabyle, Fort-National, F.D.B.
10. DALLET, J.-M. d DEGEZELLE, J. L. (1963) : *Les cahiers de Belaid ou la Kabylie d'antan*, vol. 1/vol. 2, Fort-National, F.D.B.
11. Groupe d'Études Berbères (ACHAB Ramdane), (1979) : *Langue berbère (kabyle). Introduction à la notation usuelle en caractères latins*, Paris, Éditions Imedyazen.
12. Groupe d'Études Berbères (ACHAB Ramdane), (1989) : *Langue berbère. Initiation à l'écriture*. (deuxième édition). Bgayet, Azar, Édition de l'Association Culturelle Tamaziyt.
13. HANOTEAU, A. (1858) : *Essai de grammaire kabyle*, Alger, Batiste.
14. HANOTEAU, A. (1860) : *Essai de grammaire de la langue tamacheck'*, Paris, Imprimerie impériale.
15. MOULIERAS, A. (1893) : *Légendes et contes merveilleux de la Grande Kabylie*, Paris, Leroux.
16. PICARD, A. (1958) : *Textes berbères dans le parler des Irjen (Kabylie-Algérie)*, Tome I/Tome II, Alger, Imprimerie « La Typo-Litho et Jules Carbonels ».
17. Table ronde internationale « Phonologie et notation usuelle dans le domaine berbère », Inalco-Crb, Paris, dans Études et Documents Berbères, n° 11, 1994 et n° 12, 1995.
18. TILMATINE Mohand (synthèse), (2007) : « Standardisation de la langue amazighe : la graphie latine », colloque de Barcelone, Linguamón - Casa de les Llengües, Vía Laietana, 46e, pral. la Barcelona, 26-28 avril 2007.
19. VAN DEN BOOGERT N. (1997): *The berber literary tradition of the Sous*, Leiden, Nederlands Instituut voor het nabijeosten.
20. VENTURE DE PARADIS J.-M. de, (1838) : Dictionnaire de la langue berbère : expliqué en français et en idiome barbaresque, Alger.
21. VENTURE DE PARADIS J. M. de, (1844) : *Grammaire et dictionnaire abrégés de la langue berbère*, Paris, Imprimerie royale.